

## REGLUGERÐ

### um skoðum kvikmynda hjá Kvikmyndaeftirliti ríkisins.

#### 1. gr.

Kvikmyndaeftirlit ríkisins annast skoðun kvikmynda og starfar samkvæmt lögum nr. 53/1966 um vernd barna og ungmenna og lögum nr. 33/1983 um bann við ofbeldiskvikmyndum.

Skoðun kvikmynda skv. 2. gr. laga nr. 33/1983 um bann við ofbeldiskvikmyndum og IV. kafla laga um vernd barna og ungmenna nr. 53/1966 fer fram í Reykjavík, nema leyfð hafi verið skoðun annars staðar skv. 5. mgr. 58. gr. laga nr. 53/1966.

#### 2. gr.

Peim aðilum, sem flytja kvikmynd til landsins eða hyggjast selja kvikmynd hér á landi, dreifa henni eða sýna hana, er skylt að koma kvikmyndinni til skoðunar hjá Kvikmyndaeftirliti ríkisins.

Tveir skoðunarmenn Kvikmyndaeftirlits ríkisins hið fæsta skulu skoða hverja kvikmynd. Greini þá á skal kveðja hinn þriðja til og ræður þá meiri hluti skoðunarmanna.

Markmið með skoðun kvikmynda hjá Kvikmyndaeftirliti ríkisins er að meta hvort kvikmyndin teljist brjóta í bága við 1. gr. laga nr. 33/1983 um bann við ofbeldiskvikmyndum og sé hæf til sýningar börnum og unglingum innan 16 ára aldurs eða á tilteknum aldursskeiðum innan þess aldurs.

Í þessu skyni skal sérhvert eintak kvikmyndar merkt af Kvikmyndaeftirliti ríkisins eða trúnaðarmönnum þess, s.s. barnaverndarnefndum eða lögreglustjórum, þannig að fullljóst megi vera að skoðun á vegum Kvikmyndaeftirlits ríkisins hafi farið fram. Aðilum skv. 1. mgr. þessarar greinar er skylt að sjá til þess að öll eintök hinnar skoðuðu kvikmyndar sem eru til dreifingar, hvort heldur sýningar, sölu eða leigu, séu merkt.

Gefa skal skriflegt vottorð um að skoðun hafi farið fram.

Kvikmyndaeftirliti ríkisins er heimilt að meta kvikmynd að nýju, en þó skal ekki greiða skoðunargjald skv. 3. gr. reglugerðar þessarar vegna slíks endurmats.

Skoðunarmenn geta krafist tollskjala ef þeir telja ástæðu til.

#### 3. gr.

Fyrir skoðun kvikmynda eftir lögum nr. 33/1983 um bann við ofbeldiskvikmyndum og reglugerð þessari skulu aðilar skv. 1. mgr. 2. gr. reglugerðar þessarar greiða gjald í ríkissjóð vegna kostnaðar við skoðun kvikmyndar. Gjald þetta skal vera kr. 1 900 fyrir hverja kvikmynd, sem skoðuð er, nema gjald sé greitt eftir 7. mgr. 58. gr. laga um vernd barna og ungmenna nr. 53/1966. Kvikmyndaeftirlit ríkisins afhendir skoðunarbeiðanda skoðað eintak kvikmyndar og skoðunarovottorð gegn greiðslu framangreinds gjalds.

Kvikmyndaeftirlit ríkisins ákveður gjald vegna skoðunar kvikmynda skv. 7. mgr. 58. gr. laga um vernd barna og ungmenna nr. 53/1966.

#### 4. gr.

Barnaverndarnefndir og löggæslumenn skulu hafa eftirlit með því, að aðeins séu til dreifingar, sýningar, sölu eða leigu kvikmyndir, sem Kvikmyndaeftirlit ríkisins hefur skoðað og heimilað dreifingu á.

#### 5. gr.

Sjónvarpsstöðvar, sem leyfi hafa til útvarps skv. útvarpslögum nr. 68/1985 annast skoðun kvikmynda, sem þær sýna, að höfðu samráði við Kvikmyndaeftirlit ríkisins. Menntamálaráðherra getur þó ákveðið, að tiltekin kvikmynd skuli skoðuð af skoðunar-

mönnum kvikmynda eftir VI. kafla laga nr. 53/1966. Hafa þeir þá úrskurðarvald um það hvort myndin brjóti gegn ákvæðum laga nr. 33/1983 um bann við ofbeldiskvikmyndum og sé hæf til sýningar börnum og unglingum innan 16 ára aldurs eða á tilteknum aldursskeiðum innan þess aldurs.

6. gr.

Brot gegn ákvæðum reglugerðar þessarar varðar refsingu skv. 4. gr. laga nr. 33/1983 um bann við ofbeldiskvikmyndum og 59. gr. laga um vernd barna og ungmenna nr. 53/1966.

7. gr.

Reglugerð þessi er sett skv. lögum nr. 33/1983 sem og lögum nr. 53/1966 og öðlast þegar gildi. Reglugerð þessi gildir til 31. desember 1987.

#### **Ákvæði til bráðabirgða.**

Aðilum skv. 1. mgr. 2. gr. þessarar reglugerðar ber að sjá til þess að öll eintök kvikmynda sem eru til dreifingar, sölu, leigu, eða sýningar séu merkt sbr. 4. mgr. 2. gr. fyrir árslok 1987.

*Menntamálaráðuneytið, 18. apríl 1987.*

**Sverrir Hermannsson.**

*Pórunn Hafstein.*

## **AUGLÝSING**

### **um niðurfellingu nokkurra reglugerða um viðskiptabanka.**

#### **I. KAFLI.**

Um niðurfellingu reglugerðar og samþykktar fyrir Samvinnubanka Íslands hf.

1. gr.

Frá og með 27. maí 1987 er úr gildi felld reglugerð nr. 11 16. janúar 1963 um Samvinnubanka Íslands hf. svo og samþykktir Samvinnubanka Íslands hf. nr. 12 16. janúar 1963.

#### **II. KAFLI.**

Um niðurfellingu reglugerðar og samþykktar fyrir Alþýðubankann hf.

2. gr.

Frá og með 27. maí 1987 er úr gildi felld reglugerð nr. 31 29. janúar 1971 um Alþýðubankann hf. svo og samþykktir Alþýðubankans hf. nr. 30 29. janúar 1971.

#### **III. KAFLI.**

Um niðurfellingu reglugerðar og samþykktar fyrir Verzlunarbanka Íslands hf.

3. gr.

Frá og með 27. maí 1987 er úr gildi felld reglugerð nr. 20 18. mars 1961 um Verzlunarbanka Íslands hf. ásamt síðari breytingum sbr. þó reglugerð nr. 190 16. apríl 1984 um breytingu á þeirri reglugerð er halda skal gildi sínu samkvæmt ákvæði til bráðabirgða í staðfestum samþykktum fyrir Verzlunarbanka Íslands hf. þann 13. mars 1987.